

քան մելամաղձոտ էր, որքան նրա սայլակի տխուր ճոնչոցը: Երկուսն էլ կարծես հառաչանքներ էին արձակում...

Միև կողմից լսելի էր լինում զբոսնող քաղաքացու ուրախ-անհոգ երգը:

Կեսօրից բաւական անցել էր: Ծովից փչում էր սառն քամի եւ զովացնում էր տօթից տոչորոած բուսականութիւնը: Ծառերի թառամած տերեւները զոարթանում էին, խոտերի կորացած ծղօտները վեր էին բարձրացնում իրանց նոաղած գլուխները, ծաղիկները սկսում էին ժպտալ: Շրջակայքը աւելի եւ աւելի կենդանանում էր. զբոսնող բազմութիւնը զոարճանում էր ամեն կողմում: Դա օրոայ այն ժամն էր, երբ վանեցիք կողպում են իրանց խանութները, խումբ-խումբ դիմում են դէպի դաշտերը, դէպի այգիները եւ դէպի առուակների եզերքը հովանաւորող ծառերը: Ոմանք միւրգ են ուտում: Շատ տեղերում բացօթեայ խարոյկները վառւում են, կրակը շիկանում է, խորովածի շամփուրները միտում են, օդը լցւում է ճենճերային անուշահոտութեամբ: Կանաչ խոտերի վրայ փռւում են սպիտակ լաւաշները, եւ այդ պարզ սեղանի շուրջը բոլորում է երիտասարդ խումբը, գինու կամ արաղի բաժակները շրջան են առնում, օդի մեռելային լռութիւնը աղմկում է ուրախաձայն աղաղակներով: Ինձանից փոքր-ինչ հեռու, խոտերի վրայ, նստած էին մի քանի մարդիկ: Տեսնելով, որ ես մենակ եմ նստած եւ օտարական եմ, ինձ կանչեցին իրանց մօտ: Նրանք եկել էին բոստաններում սեխ եւ խարբուզակ ուտելու: Վանեցիք սիրում են ամեն պտուղ իր տեղումն ուտել:

Բոստանների մէջ երեւում էին փոքրիկ աշտարակածեւ շինածքներ. դրանք բոստանչիների գիշերային պատսպարաններն էին: Նրանք միշտ գործ ունեին գողերի հետ եւ նրանց պետք էր մի ամրութիւն: Աշտարակի մօտ միտում էր փոքրիկ վառարանը եւ նրա վրայ դրած էր խեցեղէն սեւ պտոյկը: Նրա մէջ եփւում էր բոստանչու ընթրիքը: Ա՛խ, որքան քաղցր յիշողութիւններ էր զարթեցնում իմ մէջ այդ փոքրիկ վառարանը, այդ խեցեղէն պտոյկը: Շատ անգամ էր պատահել ինձ՝ բարի բոստանչու հետ միասին բաժանել նրա համեստ ընթրիքը. շատ անգամ գնել էի ես նոյն տեսակ խեցեղէն պտոյկ եւ խնդրել էի մօրս, որ պատրաստէ ինձ համար նոյն կերակուրը, բայց երբեք այն համը եւ այն ճաշակը չէր ունեցել:

Բոստանչին, հեռուից նկատելով մեզ, առանց մեր խնդրելու, բերեց մի քանի հատ լաւ սեխեր եւ խարբուզակներ, եւ գլուխ տալով, դրեց մեր առջեւ: Ես տոեցի նրան մի քանի ղուրուշ, որը մեծ դժարութեամբ ընդունեց: Նրա հեռանալուց յետոյ, իմ մօտ նստողներից մէկն ասաց.